

四庫全書

子部

欽定四庫全書

子部

御纂醫宗金鑑卷二十三

詳校官太醫院吏目臣周世泰

編修臣倉聖脈覆勘

總校官中書臣朱鈐

校對官中書臣毛鳳儀

謄錄監生臣黃嘉績

欽定四庫全書

御纂醫宗金鑑卷二十三

訂正仲景全書金匱要略註下之二目錄

婦人妊娠篇第二十

桂枝茯苓丸

附子湯

膠艾湯

當歸芍藥散

乾薑人參半夏丸

當歸貝母苦參丸

葵子茯苓散

當歸散

白朮散

婦人產後篇第二十一

枳實芍藥散

下瘀血湯

陽旦湯

竹葉湯

竹皮大丸

白頭翁加甘草阿膠湯

婦人雜病篇第二十二

半夏厚朴湯

甘草小麥大棗湯

溫經湯

土瓜根湯

旋覆花湯

膠薑湯

大黃甘遂湯

抵當湯

礬石湯

紅藍花酒

腎氣丸

蛇床子散

狼牙湯

小兒疳蟲蝕齒方

雜療篇第二十三

四時加減柴胡飲子

長服訶黎勒丸

三物備急丸

紫石寒食散

治尸厥方

共二方

救卒死方

共五方

救卒死壯熱方

救卒死兩目閉者方

救卒死而張口反折者方

救卒死四肢不收失便者方

救小兒卒死吐利不知是何病方

救卒死客忤二方

救自縊方

療中暈方

救溺死方

馬墜及一切筋骨損方

御纂醫宗金鑑卷二十三目錄

欽定四庫全書

御纂醫宗金鑑卷二十三

訂正仲景全書金匱要略註下之二

婦人妊娠病衄證并治第二十

師曰婦人得平衄陰衄小弱其人渴不能食無寒熱名
妊娠桂枝湯主之於法六十日當有此證設有醫治逆
者却一月加吐下者則絕之

註
婦人經斷得平衄無寒熱則內外無病其人渴不

能食乃妊娠惡阻之漸也故陰脈雖小弱亦可斷
為有孕但惡阻於法六十日當有此證設醫不知
是孕而治逆其法却一月即有此證也若更加吐
下者則宜絕止醫藥聽其自愈可也然脈平無寒
熱用桂枝湯與妊娠渴不能食者不合且文義斷
續不純其中必有脫簡

集註

徐彬曰平脈者不見病脈一如平人也陰脈小弱者脈形小不大軟弱無力非細也諸脈既平而獨

下焦陰脈微見不同是中上二焦無病乃反見渴不能食之證則渴非上焦之熱不能食亦非胃家之病矣少陽有嘿嘿不欲食之證今無寒熱亦無少陽表證可疑矣是渴乃陰火上熾不能食乃惡心阻食陰脈小乃胎元蝕氣故曰名妊娠也

李彥曰此節病證即妊娠惡阻是也寸為陽脈主氣尺為陰脈主血陰脈小弱者血不足也血以養胎則液竭而渴又脾為坤土厚德載物胎氣賴以

莫安不能食者脾氣弱也凡有他病而渴不能食者衄必不平而有寒熱今雖不能食反得平衄又無寒熱故主妊娠

桂枝湯方

見下利中

婦人宿有癥病經斷未及三月而得漏下不止胎動在臍上者為癥瘕害妊娠六月動者前三月經水利時胎也下血者後斷三月衄也所以血不止者其癥不去故也當下其癥桂枝茯苓丸主之

註
經斷有孕名曰妊娠妊娠下血則為漏下婦人宿
有癥瘕之疾而育胎者未及三月而得漏下下血
不止胎動不安者此為癥瘕害之也已及六月而
得漏下下血胎動不安者此亦癥瘕害之也然有
血衄成塊者以前三月經雖斷血未盛胎尚弱未
可下其癥瘕也後三月血成衄胎已強故主之桂
枝茯苓丸當下其癥瘕也此示人妊娠有病當攻
病之義也此條文義不純其中必有闕文姑存其

理可也

集註婁全善曰凡胎動多當臍今動在臍上者故知是

癥也

程林曰此有癥病而懷胎者雖有漏血不止皆癥
瘕之為害非胎動胎漏之證下其癥瘕妊娠自安
此內經所謂有故無殞亦無殞也

方氏曰胎動胎漏皆下血而胎動有腹痛胎漏無
腹痛故胎動宜行氣胎漏宜清熱

魏荔彤曰胎與胚之辨當於血未斷之前三月求
之前三月之經水順利則經斷必是胎前三月有
曾經下血者則經斷必成胚

桂枝茯苓丸

桂枝

茯苓

牡丹 去心

桃仁 去皮
尖

芍藥 各等
分

右五味末之煉蜜和丸如兔屎大每日食前服一

丸不知加至三丸

婦人懷娠六七月脈弦發熱其胎愈脹腹痛惡寒者少腹如扇所以然者子藏開故也當以附子湯溫其藏方

未見

註

婦人懷娠六七月脈弦發熱似表證也若其胎愈脹腹痛惡寒而無頭痛身痛則非表證也少腹如扇狀其惡寒如扇風之侵襲也所以然者因其人陽虛子藏開寒邪侵入故用附子湯溫子藏而逐

寒但方缺文亦不純必有殘缺

集註

程林曰胎脹腹痛亦令人發熱惡寒少腹如扇者陰寒勝也妊娠陰陽調和則胎氣安今陽虛陰盛不能約束胞胎故子藏為之開也附子湯用以溫經

李昶曰按子藏即子宮也臍下三寸為關元關元左二寸為胞門右二寸為子戶命門為女子繫胞之處非謂命門即子藏也蓋命門是穴名在腰後

兩腎中附脊骨之第十四椎之兩旁今經文明說
少腹如扇者子藏開則子藏在少腹明矣豈有在
少腹者而反謂其在脊後者乎此悞也

尤怡曰脈弦發熱有似表證而乃身不痛而腹反
痛背不惡寒而腹反惡寒甚至少腹陣陣作冷若
或扇之者其所以然者子藏開不能闔而風冷之
氣乘之也夫藏開風入其陰內勝則其脈弦為陰
氣而發熱且為格陽矣胎脹者熱則消寒則脹也

附子湯方未見然溫裏散寒之意緊可推矣

師曰婦人有漏下者有半產後因續下血都不絕者有
妊娠下血者假令妊娠腹中痛為胞阻膠艾湯主之

註

五六月墮胎者謂之半產婦人有漏下下血之疾
至五六月墮胎而下血不絕者此癥瘕之害也若
無癥瘕下血惟腹中痛者則為胞阻胞阻者胞中
氣血不和而阻其化育也故用芎歸膠艾湯溫
其血血和而胎育也

集註

程林曰漏下者妊娠經來毓經以陽不足謂之激經也半產者以四五月墮胎墮胎必傷其血海血因續下不絕也若妊娠下血腹中痛為胞阻則用膠艾湯以治

尤怡曰婦人經水淋瀝及胎產前後下血不止者皆衝任毓虛而陰氣不能守也是惟膠艾湯能補而固之

芎歸膠艾湯方

芎藭

阿膠

甘草

各二兩

艾葉

當歸

各三兩

芍藥

四兩

乾地黄

右七味以水五升清酒三升合煮取三升去滓內

膠令消盡溫服一升日三服不差更作

婦人懷娠腹中疝痛當歸芍藥散主之

按 妊娠腹中急痛用此方未詳其義必是脫簡不釋

當歸芍藥散方

當歸 三兩

芍藥 一斤

茯苓 四兩

白朮 四兩

澤瀉 半斤

芎藭 半斤

右六味杵為散取方寸匕酒和日三服

妊娠嘔吐不止乾薑人參半夏丸主之

註

妊娠嘔吐謂之惡阻惡阻者謂胃中素有寒飲惡阻其胎而妨飲食也主之以乾薑去寒半夏止嘔

惡阻之人日日嘔吐必傷胃氣故又佐人參也

集註程林曰寒在胃脘則令嘔吐不止故用乾薑散寒

半夏生薑止嘔人參和胃半夏乾薑能下胎婁全善云余治娠阻病累用半夏未嘗動胎亦有故無殞之義臨病之工何必拘泥

尤怡曰此益虛溫胃之法為妊娠中虛而有寒者設也夫陽明之脈順而下行者也有寒則逆有熱亦逆逆則飲必從之而妊娠之體精凝血聚每多

蘊而成熱者矣按外臺方青竹茹橘皮半夏各五兩生薑茯苓各四兩麥冬人參各三兩為治胃熱氣逆嘔吐之法可補仲景之未備也

乾薑人參半夏丸方

乾薑

人參

各一兩

半夏 二兩

右三味末之以生薑汁糊為丸如梧子大飲服十

丸日三服

妊娠小便難飲食如故當歸貝母苦參丸主之

按方證不合必有脫簡不釋

當歸貝母苦參丸方

當歸

貝母

苦參

各四兩

右三味末之煉蜜為丸如小豆大飲服三丸加至

十九丸

妊娠有水氣身重小便不利灑淅惡寒起即頭眩葵子

茯苓散主之

註

妊娠外有水氣則浮腫灑淅惡寒水盛貯於肌膚
故身重內有水氣則小便不利水盛阻遏陽氣上
升故起即頭眩也用葵子茯苓者是專以通竅利
水為主也

葵子茯苓散方

葵子 一升

茯苓 三兩

右二味杵為散飲服方寸匕日三服小便利則愈

婦人妊娠宜常服當歸散主之

註 妊娠無病不須服藥若其人瘦而有熱恐耗血傷胎宜常服此以安之

集註 尤怡曰妊娠最慮熱傷故於芎歸芍藥養血之中

用黃芩清熱佐白朮和胃也震亨稱黃芩白朮為安胎聖藥夫芩朮非能安胎者也去其濕熱其胎自安耳

當歸散方

當歸

黃芩

芍藥

芎藭

各一斤

白朮

半斤

右五味杵為散酒飲服方寸七日再服妊娠常服
即易產胎無苦疾產後百病悉主之

妊娠養胎白朮散主之

註 妊娠婦人肥白有寒恐其傷胎宜常服此

集 尤怡曰妊娠傷胎有因熱者亦有因寒者隨人藏

氣之陰陽而各異也當歸散正治熱之劑白朮散
君白朮和胃臣川芎調血使蜀椒去寒佐牡蠣安
胎也則正治寒之劑也仲景並列於此其所以昭
示後人者深矣

白朮散方

白朮

芎藭

蜀椒

三分
去汗

牡蠣

右四味杵為散酒服一錢七日三服夜一服但苦

痛加芎藭心下毒痛倍加芎藭心煩吐痛不能食
飲加細辛一兩半夏大者二十枚服之後更以醋
漿水服之若嘔以醋漿水服之復不解者小麥汁
服之已後渴者大麥粥服之病雖愈服之勿置

婦人傷胎懷身腹滿不得小便從腰已下重如有水氣
狀懷身七月太陰當養不養此心氣實當刺瀉勞宮及
關元小便微利則愈

按
文義未詳此穴刺之落胎必是錯簡不釋

婦人產後病証并治第二十一

問曰新產婦人有三病一者病瘕二者病鬱冒三者大便難何謂也師曰新產血虛多汗出喜中風故令病瘕亡血復汗寒多故令鬱冒亡津液胃燥故大便難

註

新產之婦畏其無汗若無汗則榮衛不和而有發熱無汗似乎傷寒表病者但舌無白胎可辨也故喜其有汗而又恐汗出過多表陽不固風邪易入而為項強腰背反張之瘕病也新產之婦畏血不

行若不行則血瘀於裏而有發熱腹痛似乎傷寒
裏病者但以舌無黃胎可辨也故喜其血下而又
恐血下過多陰亡失守虛陽上厥而為昏冒不省
合目汗出之血暈也新產雖喜其出汗喜其血行
又恐不免過傷陰液致令胃乾腸燥而有潮熱譫
語大便鞭難似乎陽明胃家實者故仲景於產後
首出三病不只為防未然之病而更為辨已然之
疑也昏冒而曰鬱冒者謂陰陽虛鬱不交通而

致冒也

集註尤怡曰瘧筋病也血虛汗出筋脈失養風入而益

其勁也鬱冒神病也亡陰血虛陽氣遂厥而陰復鬱之則頭眩而目瞶大便難者液病也胃藏津液滲灌諸陽亡津液胃燥則大腸失其潤而便難也三者不同其為亡血傷津則一也

產婦鬱冒其脈微弱不能食大便反堅但頭汗出所以然者血虛而厥厥而必冒冒家欲解必大汗出以血虛

下厥孤陽上出故頭汗出所以產婦喜汗出者亡陰血
虛陽氣獨盛故當汗出陰陽乃復大便堅嘔不能食小
柴胡湯主之病解能食七八日更發熱者此為胃實大
承氣湯主之

註

此承上條互詳其義以明其治也產婦昏冒脈微
弱者是氣血俱虛應得之證也不能食者是胃氣
未和應得之候也大便秘堅者是腸胃枯乾應得
之病也究之鬱冒所以然者由血虛則陰虛陰虛

則陽氣上厥而必冒也冒家欲解必大汗出者是
陽氣鬱得以外洩而解也故產婦喜汗出也由此
推之血瘀致冒解必當血下是陰氣鬱得以內輸
而解也最忌者但頭汗出則為陰亡下厥孤陽上
出也大便堅嘔不能食用小柴胡湯必其人舌有
胎身無汗形氣不衰者始可故病得解自能食也
若有汗當減柴胡無熱當減黃芩嘔則當倍薑半
虛則當倍人參又在臨證之變通也大便堅七八

日更發熱用大承氣湯亦必其人形氣俱實胃強能食者始可也若氣弱液乾因虛致燥難堪攻下者則又當內用元明粉以軟堅燥外用諸導法以潤廣腸緩緩圖之也

集註尤怡曰鬱冒雖有客邪而其本則為裏虛故其脈

微弱也嘔不能食大便反堅但頭汗出津液上行不下逮之象所以然者亡陰血虛孤陽上厥而津液從之也厥者必冒冒家欲解必大汗出者陰陽

乍離故厥而冒及陰陽復通汗乃大出而解也產婦新虛不宜多汗而此反喜汗出者血去陰虛陽受邪氣而獨盛汗出則邪去陽弱而後與陰相和所謂損陽而就陰是也

小柴胡湯

見嘔吐中

大承氣湯

見痙病中

產婦腹中疝痛當歸生薑羊肉湯主之并治腹中寒疝虛勞不足

註

產後暴然腹中急痛產後虛寒痛也主之當歸生薑羊肉湯者補虛散寒止痛也并治虛勞不足寒疝腹痛者亦以其虛而寒也

集註

程林曰產後血虛有寒則腹中急痛內經曰味厚者為陰當歸羊肉味厚者也用以補產後之陰佐生薑以散腹中之寒則疝痛自止夫辛能散寒補能去弱三味辛溫補劑也故并主虛勞寒疝

魏荔彤曰妊娠之疝痛胞阻於血寒也產後腹中

疴痛者裏虛而血寒也一阻一虛而治法異矣

當歸生薑羊肉湯方

見寒疝中

產後腹痛煩滿不得臥枳實芍藥散主之

註

產後腹痛不煩不滿裏虛也今腹痛煩滿不得臥裏實也氣結血凝而痛故用枳實破氣結芍藥調腹痛枳實炒令黑者蓋因產婦氣不實也并主癰膿亦因血為氣凝久而腐化者也佐以麥粥恐傷產婦之胃也

集註尤怡曰產後腹痛而至煩滿不得臥知血鬱而成熱且下病而礙上也與虛寒疝痛不同矣

枳實芍藥散方

枳實

燒令黑勿太過

芍藥

等分

右二味杵為散服方寸匕日三服并主癰膿以麥粥下之

師曰產婦腹痛法當以枳實芍藥散假令不愈者此為腹中有乾血著臍下宜下瘀血湯主之亦主經水不利

註

產婦腹痛屬氣結血凝者枳實芍藥散以調之假令服後不愈此為熱灼血乾著於臍下而痛非枳實芍藥之所能治也宜下瘀血主之下瘀血湯攻熱下瘀血也並主經水不通亦因熱灼血乾故也

下瘀血湯方

大黃

三兩

桃仁

二十枚

廬蟲

二十枚
熬去足

右三味末之煉蜜和為四丸以酒一升煎一九取

八合頓服之新血下如豚肝

集註程林曰塵蟲主開血閉大黃主攻瘀血桃仁主破

死血

產後七八日無太陽證少腹堅痛此惡露不盡不大便
煩躁發熱切脈微實再倍發熱日晡時煩躁者不食食
則譫語至夜即愈宜大承氣湯主之熱在裏結在膀胱
也

按熱在裏結在膀胱也之八字當在本條上文惡露

不盡之下未有大承氣湯下膀胱血之理必是傳
寫之譌再倍二字當是衍文

註

無太陽證無表證也少腹堅痛有裏證也因其產
後七八日有畜血裏證而無太陽表證則可知非
傷寒太陽隨經瘀熱在裏之病乃產後惡露未盡
熱結膀胱之病當主以下瘀血可也若不大便不
食譫語煩躁發熱日晡更甚至夜即愈此為胃實
之病非惡露不盡之病以其日晡更甚至夜即愈

則可知病不在血分而在胃也故以大承氣湯下之

集註

李彪曰此一節具兩證在內一是太陽畜血證一

是陽明裏實證因古人文法錯綜故難辨也無太陽證謂無表證也少腹堅痛者以肝藏血少腹為肝經部分故血必結於此則堅痛亦在此此惡露不盡是為熱在裏結在膀胱此太陽畜血證也宜下去瘀血若不大便煩躁脈實讖語者陽明裏實

也再倍發熱者熱在裏蒸蒸發於外也陽明旺於申酉戌日晡是陽明向旺時故煩躁不能食病在陽而不在陰故至夜則愈此陽明腑病也宜大承氣湯以下胃實

按傷寒論曰陽明病不能食攻其熱必噦以胃中虛冷故也又云發熱者尤當先解表乃可攻之況在產後豈可妄議攻下哉必認證果真方可用此

產後風續之數十日不解頭微痛惡寒時時有熱心下

悶乾嘔汗出雖久陽旦證續在耳可與陽旦湯

註 產後續感風邪數十日不解頭微痛惡寒時熱汗

出表未解也雖有心下悶乾嘔之裏但有桂枝證
在可與陽旦湯解表可也陽旦湯即桂枝湯加黃
芩陽旦證即桂枝證也

集註 沈明宗曰上下三條乃產後感冒證也世謂產後

氣血兩虛不論外感內傷皆以補虛為主而仲景
拈傷寒中之風傷衛發熱仍以表裏陰陽去邪為

訓故云產後中風數十日不解頭微痛惡寒時時有熱汗出乃太陽表未解也但心下悶乾嘔是外邪入於胸中之裏太陽表裏有邪謂之陽旦證故以桂枝湯加黃芩而為陽旦湯以風邪在表故用桂枝解肌邪入胸膈之間當以清涼解其內熱故加黃芩正謂不犯其虛是益其餘不補正而正自補不驅邪而邪自散斯為產後感冒入神之妙方也奈後人不察其理反謂芍藥酸寒能伐生生之

氣桂枝辛熱恐傷其血棄而不用以致病劇不解
只因未窺仲景門墻耳故千金方以此加飴糖當
歸為當歸建中湯治產後諸虛或外感病推仲景
之意嘗以此湯加減出入治產後諸病屢獲神效
故表出之

尤怡曰夫審證用藥不拘日數表裏既分汗下斯
判上條裏熱成實雖產後七八日與大承氣而不
傷於峻此條表不解雖數十日之久與陽旦湯而

不慮其散非通於權變者未足語此也

陽旦湯方

即桂枝湯內加黃芩桂枝湯方

見下利中

產後中風發熱面正赤喘而頭痛竹葉湯主之

按

產後中風之下當有病瘕者之三字始與方合若

無此三字則人參附子施之於中風發熱可乎而
又以竹葉命名者何所謂也且方內有頸項強用
大附子之文本篇有證無方則可知必有脫簡

產後汗多表虛而中風邪病瘕者主之竹葉湯發散
太陽陽明兩經風邪用竹葉為君者以發熱而正亦有
熱也用人參為臣者以產後而喘不足也頸項強急
風邪之甚故佐附子嘔者氣逆故加半夏也

集註

程林曰產後血虛多汗出喜中風故令病瘕今證
中未至背反張而發熱面赤頭痛亦風瘕之漸也

竹葉湯方

竹葉 一把

葛根 三兩

防風 二兩

桔梗

桂枝

人參

甘草

各一兩

附子

一枚炮

大棗

十五枚

生薑

三兩

右十味以水一斗煮取二升半分溫三服溫覆使汗出頸項強用大附子一枚破之如豆大煎藥湯去沫嘔者加大半夏半升洗

婦人乳中虛煩亂嘔逆安中益氣竹皮大丸主之

按此條文義證藥未詳

竹皮大丸方

生竹茹 二分

石膏 二分

桂枝 一分

甘草 七分

白薇 一分

右五味末之棗肉和丸彈子大以飲服一九日三
夜二服有熱者倍白薇喘者加栝實一分

集解濟陰綱目云中虛不可用石膏煩亂不可用桂枝

此方以甘草七分配衆藥六分又以棗肉為丸仍
以一九飲下可想其立方之微用藥之難審虛實
之不易也仍飲服者尤慮夫虛虛之禍耳用是方
者亦當深省

產後下利虛極白頭翁加甘草阿膠湯主之

按此條文義證藥不合不釋

白頭翁加甘草阿膠湯方

白頭翁

甘草

阿膠

各二兩

秦皮

黃連

藥皮
各三兩

右六味以水七升煮取二升半內膠令消盡分溫

三服

婦人雜病脈證并治第二十二

婦人之病因虛積冷結氣為諸經水斷絕至有歷年血寒積結胞門寒傷經絡凝堅在上嘔吐涎唾久成肺癰形體損分在中盤結繞臍寒疝或兩脇疼痛與臟相連

或結熱中痛在關元脈數無瘡肌若魚鱗時著男子非
止女身在下來多經候不勻令陰掣痛少腹惡寒或引
腰脊下根氣衝氣急痛膝脛疼煩奄忽眩冒狀如厥
癩或有憂慘悲傷多嗔此皆帶下非有鬼神久則羸瘦
脈虛多寒三十六病千變萬端審脈陰陽虛實緊弦行
其鍼藥治危得安其雖同病脈各異源子當辯記勿謂
不然

按
此條為婦人雜病提綱當冠篇首以揭病情在下

來多之來字當是未字本條皆經水斷絕之病若
係來多則與上文不合與下文經候不勻亦不合
又本條內有此皆帶下一句當在非有鬼神之下
文義相屬是傳寫之謔

註

此條為婦人諸病綱領其病之所以異於男子者
以其有月經也其月經致病之根源則多因虛損
積冷結氣也三者一有所感皆能使經水斷絕至
有歷年寒積胞門以致血凝氣結而不行者先哲

云女子以經調為無病若經不調則變病百出矣
以下皆言三者阻經之變病其變病之不同各因
其人之臟腑經絡寒熱虛實之異也如寒外傷經
絡其上焦素寒則凝堅在上故上焦胸肺受病
也形寒傷肺則氣滯阻飲故嘔吐涎唾也若其人
上焦素熱寒同其化久則成熱熱傷其肺故成肺
癰而形體損瘦也若其中焦素寒則在中盤結
故繞臍疝痛也或兩脇疼痛是中焦之部連及肝

臟故也或其中焦素熱則不病寒疝而病結熱於中矣中熱故不能為寒疝而繞臍之痛仍在關元也其人脈數當生瘡若無瘡則熱必灼陰皮膚失潤故肌粗若魚鱗也然此嘔吐涎唾寒疝疼痛肌若魚鱗等病亦時著男子非止女子病也在下未多謂經候不勻而血不多下也邪侵胞中乃下焦之部故病陰中掣痛少腹惡寒也或痛引腰脊下根氣衝急痛腰膝疼煩皆胞中衝任為病所必

然也或痛極奄忽眩冒狀如厥癩亦痛甚之常狀也若其人或有憂慘悲傷多嗔之遇而見此眩冒厥癩之證實非有鬼神也凡此胞中衝任血病皆能病帶故諺曰十女九帶也然帶下病久津液必傷形必羸瘦診其脈虛審其多寒豈止病此三十六病而千變萬端矣雖千變萬端然必審脈陰陽虛實緊弦與病叅究行其鍼藥治危得安也其有病雖同而脈不同者則當詳加審辨故曰子當辨

記勿謂不然也

婦人咽中如有炙臍半夏厚朴湯主之

註

咽中如有炙臍謂咽中有痰涎如同炙肉咯之不出嚥之不下者即今之梅核氣病也此病得於七情鬱氣凝涎而生故用半夏厚朴生薑辛以散結苦以降逆茯苓佐半夏以利飲行涎紫蘇芳香以宣通鬱氣俾氣舒涎去病自愈矣此證男子亦有不獨婦人也

集註

尤怡曰凝痰結氣阻塞咽嗑之間千金所謂咽中帖帖如有炙肉吞之不下吐之不出者是也

半夏厚朴湯方

半夏 一升

厚朴 三兩

茯苓 四兩

生薑 五兩

乾蘇葉 二兩

右五味以水七升煮取四升分溫四服日三夜一服

婦人藏躁喜悲傷欲哭象如神靈所作數欠伸甘麥大棗湯主之

按甘草小麥大棗湯方義未詳必是譌錯

註藏心藏也心靜則神藏若為七情所傷則心不得靜而神躁擾不寧也故喜悲傷欲哭是神不能主情也象如神靈所憑是心不能神明也即今之失志癲狂病也數欠伸喝欠也喝欠頓悶肝之病也母能令子實故證及也

甘草小麥大棗湯方

甘草 三兩

小麥 一升

大棗 十枚

右三味以水六升煮取三升溫分三服亦補脾氣
婦人吐涎沫醫反下之心下即痞當先治其吐涎沫小
青龍湯主之涎沫止乃治痞瀉心湯主之

註吐涎沫形寒飲冷也不溫散而反下之則寒飲虛
結成痞鞭也當先治其吐涎沫以小青龍湯治外

寒內飲俟涎沫止以半夏瀉心湯乃治痞也

集註尤怡曰吐涎沫上焦有寒飲也不與溫散而反下

之則寒內入而成痞然雖痞而猶吐涎沫是寒飲未已不可治痞當先治飲而後治痞亦如傷寒例表解乃可攻痞也

小青龍湯方

見肺癰中

瀉心湯方

見驚悸中

問曰婦人年五十所病下利數十日不止暮即發熱少

腹裏急腹滿手掌煩熱唇口乾燥何也師曰此病屬帶下何以故曾經半產瘀血在少腹不去何以知之其證唇口乾燥故知之當以溫經湯主之

按所病下利之利字當是血字文義相屬必是傳寫之譌

註
婦人年已五十衝任皆虛天癸當竭地道不通矣
今下血數十日不止宿瘀下也五心煩熱陰血虛也唇口乾燥任衝血傷不上榮也少腹急滿胞中

有寒瘀不行也此皆曾經半產崩中新血難生瘀血未盡風寒客於胞中為帶下為崩中為經水愆期為胞寒不孕均用溫經湯主之者以此方生新去瘀煖子宮補衝任也

集註

李杲曰婦人年五十則已過七七之期任脈虛太衝脈衰天癸竭地道不通時也所病下利據本文帶下觀之當是崩淋下血之病蓋血屬陰陰虛故發熱暮亦屬陰也任主胞胎衝為血海二脈皆起

於胞宮而出於會陰正當少腹部分衝脈俠臍上行故衝任脈虛則少腹裏急有乾血亦令腹滿內經云任脈為病女子帶下痲聚是也手背為陽掌心為陰乃手三陰過脈之處陰虛故掌中煩熱也陽明脈俠口環唇與衝脈會於氣街皆屬於帶脈難經云血主濡之以衝脈血阻不行則陽明津液衰少不能濡潤故唇口乾燥斷以病屬帶下以曾經半產少腹瘀血不去則津液不布新血不生此

則唇口乾燥之所由生也

溫經湯方

吳茱萸 三兩

當歸

芍藥

芍藥 各二兩

人參

桂枝

牡丹皮

阿膠

生薑 各二兩

甘草 二兩

半夏 半升

麥門冬 一升
去心

右十二味以水一斗煮取三升分溫三服

亦主婦人少腹寒久不受胎兼取崩中去血或月
水來過多及至期不來

集解

李炆曰內經云血氣虛者喜溫而惡寒寒則凝澀
不流溫則消而去之此湯名溫經以瘀血得溫即
行也方內皆補養氣血之藥未嘗以逐瘀為事而
瘀血自去者此養正邪自消之法也故婦人崩淋
不孕月事不調者並主之

帶下經水不利少腹滿痛經一月再見者土瓜根散主之

按再字當是不字若是再字一月兩來與上文不利不合是傳寫之譌

註此亦前條在下未多經候不勻之證帶下胞中病也胞中有宿瘀從氣分或寒化則為白帶從血分或熱化則為赤帶從氣血寒熱錯雜之化則為雜色之帶也若兼經水不利少腹滿痛乃有瘀血故

也其經至期不見主以土瓜根散者土瓜能逐瘀
血廕蟲能開血閉桂枝合芍藥舒陽益陰通和營
氣則瘀去血和經調帶止矣

土瓜根散方

土瓜根

芍藥

桂枝

廕蟲各三分

右四味杵為散酒服方寸匕日三服

寸口脈弦而大弦則為減大則為朮減則為寒朮則為

虛寒虛相搏此名曰革婦人則半產漏下旋覆花湯主之

按

此條詳在傷寒論辨脈法篇錯簡在此旋覆花湯主之一句亦必是錯簡半產漏下則氣已下陷焉有再用旋覆下氣之理

旋覆花湯方

旋覆花 三兩

葱 十四莖

新絳 少許

右三味以水三升煮取一升頓服之

婦人陷經漏下黑不解膠薑湯主之

註陷經者謂經血下陷即今之漏下崩中病也黑不

解不成文膠薑湯方亦缺

集註李昶曰陷經漏下謂經脈下陷而血漏下不止乃

氣不攝血也黑不解者瘀血不去則新血不生榮

氣腐敗也然氣血喜溫惡寒用膠薑湯溫養氣血

則氣盛血充推陳致新而經自調矣

按此條文義必有缺誤姑採此註以見大意

婦人少腹滿如敦狀小便微難而不渴生後者此為水與血俱結在血室也大黃甘遂湯主之

註
敦大也少腹胞之室也胞為血海有滿大之狀是血畜也若小便微難而不渴者水亦畜也此病若在生育之後則為水與血俱結在血室也主之大黃甘遂湯是水血並攻之法也

大黃甘遂湯方

大黃 四兩

甘遂 二兩

阿膠 二兩

右三味以水三升煮取一升頓服之其血當下

婦人中風七八日續來寒熱發作有時經水適斷此為
熱入血室其血必結故使如瘧狀發作有時小柴胡湯
主之

註詳見傷寒論少陽篇內不復釋

婦人傷寒發熱經水適來晝日明了暮則譫語如見鬼

狀者此為熱入血室治之無犯胃氣及上二焦必自愈
註詳見傷寒論少陽篇內不復釋

婦人中風發熱惡寒經水適來得之七八日熱除脈遲
身涼和胸脇滿如結胸狀讞語者此為熱入血室也當
刺期門隨其實而瀉之

註詳見傷寒論少陽篇內不復釋

陽明病下血讞語者此為熱入血室但頭汗出當刺期
門隨其實而瀉之澱然汗出即愈

註
詳見傷寒論陽明篇內不復釋

婦人經水不利下抵當湯主之

註
婦人經水不利下言經行不通利快暢下也乃婦人恒有之病不過活瘀導氣調和衝任足以愈之今日抵當湯主之夫抵當重劑文內並無少腹結痛大便黑小便利發狂善忘寒熱等證恐藥重病輕必有殘缺錯簡讀者審之

抵當湯方

水蛭

三十箇熬

蝨蟲

三十枚熬去翅足

桃仁

二十箇去皮尖

大黃

三兩酒浸

右四味為末以水五升煮取三升去滓溫服一升

婦人經水閉不利藏堅癥不止中有乾血下白物礬石丸主之

註

藏陰內也不止不去也經水閉而不通瘀宿血也

陰中堅塊不去血乾凝也下白物化血成帶也用

礬石丸坐藥治之此方治下白物若從濕化者可

也恐未能攻堅癖乾血也

集註

尤怡曰藏堅癖不止者子藏乾血堅凝成癖而不
去也乾血不去則新血不榮而經閉不利矣由是
蓄洩不時胞宮素濕所積之血與濕化而成白物
時時自下是宜先去其藏之濕礬石燥濕水杏仁
潤乾血也

礬石丸方

礬石

三分
燒

杏仁

一分

右二味末之煉蜜和丸如棗核大內藏中劇者再
內之

婦人六十二種風及腹中血氣刺痛紅藍花酒主之

註六十二種風無可考腹中血氣刺痛用紅藍花酒

通經行血誠要方也

紅藍花酒方

紅藍花 一兩

右一味以酒一大升煎減半頓服一半未去再服

婦人腹中諸疾痛當歸芍藥散主之

註諸疾腹痛謂婦人腹中諸種疾痛也既曰諸疾痛則寒熱虛實氣食等邪皆令腹痛豈能以此一方槩治諸疾痛耶當歸芍藥散主之必是錯簡

當歸芍藥散方 見妊娠中

婦人腹中痛小建中湯主之

註若因木盛土衰中虛急痛者用此補虛緩中定痛可也

小建中湯方 見虛勞中

問曰婦人病飲食如故煩熱不得臥而反倚息者何也
師曰此名轉胞不得溺也以胞系垂戾故致此病但利
小便則愈宜腎氣丸主之

註病不在胃故飲食如故也病在於胞故不得溺也
陽氣不化故煩熱也水不得下行故倚息不得臥
也名曰轉胞以胞系垂戾不爽也故致此病但當
利小便則愈主之腎氣丸以溫行下焦陽氣陽氣

化則溺出諸病自解矣胞者乃謂尿胞非血胞也

集註

趙良曰此方在虛勞中治腰痛小便不利小便拘

急此亦用之何也蓋因腎虛用之也用此補腎則
氣化氣化則水行而愈矣然轉胞之病豈盡由下
焦腎虛氣不化出致耶或中焦脾虛不能散精歸
於胞及上焦肺虛不能下輸布於胞或胎重壓其
胞或忍溺入房皆足成此病必求其所因以治之
也

腎氣丸方

乾地黄 八兩

薯蕷 四兩

山茱萸 四兩

澤瀉 三兩

茯苓 三兩

牡丹皮 三兩

桂枝

附子 炮各一兩

右八味末之煉蜜和丸梧子大酒下十五丸加至

二十五丸日再服

集解李昉曰方名腎氣丸者氣屬陽補腎中真陽之氣

也內具六味丸壯腎水以滋小便之源附桂益命門火以化膀胱之氣則薰蒸津液水道以通而小便自利此所以不用五苓散而用腎氣丸也

婦人陰寒溫中坐藥蛇床子散主之

註陰寒前陰寒也治以溫中坐藥蛇床子性溫熱能壯陽故納之以助陽驅陰也

集註沈明宗曰此治陰掣痛少腹惡寒之方也胞門陽

虛受寒現證不一非唯少腹惡寒之一證也但寒

從陰戶所受不從表出當溫其受邪之處則病得愈故以蛇床子一味大熱溫助其陽納入陰中俾子宮得暖邪去而病自愈矣

蛇床子散方

蛇床子仁

右一味末以白粉少許和合相得如棗大綿裹內之自然溫

少陰脈滑而數者陰中即生瘡陰中蝕瘡爛者狼牙湯

洗之

註陰中即前陰也生瘡蝕爛乃濕熱不潔而生蠶也
用狼牙湯洗之以除濕熱殺蠶也狼牙非狼之牙
乃狼牙草也如不得以狼毒代之亦可其瘡深洗
不可及則用後法也

集註李昉曰少陰屬腎陰中腎之竅也內經曰滑者陰
氣有餘又云數則為熱故陰中生瘡蝕爛皆濕熱
所致狼牙味苦性寒寒能勝熱苦能殺蟲故主洗

之

狼牙湯方

狼牙

四兩

右一味以水四升煮取半升以綿纏筋如繭浸湯

瀝陰中日四遍

胃氣下泄陰吹而正喧此穀氣之實也膏髮煎導之

按膏髮煎導之之五字當是衍文此穀氣之實也之

下當有長服訶梨勒丸之六字後陰下氣謂之氣

利用訶梨勒散前陰下氣謂之陰吹用訶梨勒丸
文義始屬藥病亦對蓋訶梨勒丸以訶梨勒固下
氣之虛以厚朴陳皮平穀氣之實亦相允合方錯
簡在雜療篇內下小兒疳蟲蝕齒一方殺蟲解毒
或另有小兒門或列在雜方內今於婦人雜病之
末亦錯簡也

註
腎虛不固則氣下泄陰吹而正喧謂前陰出氣有
聲也此穀氣之實謂胃氣實而腎氣虛也以訶梨

勒丸固下氣而瀉穀氣也

膏髮煎方

見黃疸中

小兒疳蟲蝕齒方

雄黃

葶藶

右二味末之取臘月猪脂鎔以槐枝綿裹頭四五枚點藥烙之

雜療方第二十三

退五藏虛熱四時加減柴胡飲子方

冬三
月加 柴胡 八分

白朮 八分

陳皮 五分

大腹楨榔 四枚并
皮子者

生薑 五分

桔梗 七分

春三
月加 枳實

減白朮 共六
味

夏三
月加 生薑 三分

枳實 五分

甘草 三分共
八味

秋三
月加 陳皮 三分共
六味

右各咬咀分為三貼一貼以水三升煮取二升分
溫三服如人行四五里進一服如四體壅添甘草

少許每貼分作三小貼每小貼以水一升煮取七

合溫服再合滓為一服重煮都成四服

疑非仲景方

按此方證不屬不釋

長服訶梨勒丸方

訶梨勒

陳皮

厚朴

各三兩

右三味末之煉蜜丸如桐子大酒飲服二十九加

至三十九

按此方當在前篇穀氣之實也之下

三物備急方

大黃 一兩

乾薑 一兩

巴豆

一兩去皮心
熬外研如脂

右藥各須精新先搗大黃乾薑為末研巴豆內中
合治一千杵用為散蜜和丸亦佳密器中貯之莫
令泄氣主心腹諸卒暴百病若中惡客忤心腹脹
滿卒痛如錐刺氣急口噤傳尸卒死者以煖水苦

酒服大豆許三四丸或不下捧頭起灌令下咽須
臆當瘥如未瘥更與三丸當腹中鳴即吐下便瘥
若口噤亦須折齒灌之

方解方名備急者以備暴然諸腹滿腹急痛及中惡客

忤噤閉卒死者也若口噤亦須折齒灌之是恐人
不急救則死之義然不如後人管吹入鼻中之法
為良

集解李昶曰人卒得病欲死者皆感毒厲邪陰不正之

氣而然三物相須能蕩邪安正或吐或下使穢氣
上下分消誠足備一時急需也

治傷寒令愈不復紫石寒食散方

紫石英

白石英

赤石脂

鍾乳
碓煉

桔萋根

防風

桔梗

文蛤

鬼臼

各十分

太乙餘糧

十分

乾薑

附子

炮去皮

桂枝

去皮各四分

右十三味杵為散酒服方寸匕

按方未詳不釋

尸厥脈動而無氣氣閉不通故靜而死也治方

菖蒲屑內鼻兩孔中吹之令人以桂屑着舌下

註形如不病人有氣而脈動失常名曰行屍卒死不

知人無氣而脈動如故名曰尸厥尸厥乃正氣暴

然為邪氣閉塞不通故靜而似死用菖蒲內鼻桂
着舌下是通心神啓陽氣也

又方

剔取左角髮方寸燒末酒和灌令入喉立起

方解

菖蒲吹鼻桂著舌下而不愈者則用此法是以髮
乃血之餘血乃心所生用燒則發其陽用酒則行
氣血用本人者喜一氣相通也

救卒死方

薤搗汁灌鼻中

方卒然昏死皆尸厥也薤白類蒜而小北人謂之小

根菜南人謂之釣喬是也其味極辛搗汁灌鼻亦

通竅取嚏之意也

又方

雄雞冠割取血管吹內鼻中

豬脂如鷄子大苦酒一升煮沸灌喉中

雞肝及血塗面上以灰圍四旁立起

大豆二七粒以雞子白并酒和盡以吞之

方解雄鷄冠血及肝卵白豬脂大豆酒醋等物無非用

陽物以勝陰崇也管吹內鼻中謂將鷄冠血或合
熱酒含在不病人口內以葦管或筆管插入病人
鼻孔中使氣連藥吹之其藥自能下咽氣通噤自
開也

救卒死而壯熱者方

礬石半觔以水一斗半煮消以漬脚令沒踝

註 厥而身壯熱者陽厥腑病也外以礬水浸腳蓋以厥起於下而收攝陽氣也

集 程林曰厥陽獨行故卒死而壯熱岐伯曰血之與

氣并走於上則為大厥厥則暴死礬石收攝藥也
以之浸足而收斂其厥逆之氣

救卒死而目閉者方

騎牛臨面搗薤汁灌耳中吹皂莢鼻中立效

救卒死而張口反折者方

灸手足兩爪後十四壯了飲以五毒諸膏散

有巴豆者

註卒死張口反折者用灸以通陽氣但飲以五毒諸

膏方

救卒死而四肢不收失便者方

馬屎一升水三斗煮取二斗以洗之又取牛洞

稀糞也

一升溫酒灌口中灸心下一寸臍上三寸臍下四寸

各一百壯差

註尸厥目閉口張失便反張四肢不收陰厥藏病也

有如是之證者用騎牛臨面之法正所以厭邪也
薤汁灌耳鼻角吹鼻皆通其諸竅而閉塞者可通
也灸手足甲後以通外陽法也馬屎取吐之法灸
中脘關元以通內陽之法也

救小兒卒死而吐利不知是何病方

狗屎一丸絞取汁灌之無濕者水煮乾者取汁

方解凡屎皆發陽氣用狗屎亦取發陽氣也

救卒死客忤死還魂湯主之方

麻黃

三兩
去節

杏仁

七十箇
去皮尖

甘草

一兩
炙

右三味以水八升煮取三升去滓分令咽之通治

諸感忤

註

中惡客忤便閉裏實者仲景用備急丸可知無汗
表實者不當用備急丸通裏當用還魂湯以通表
也通裏者抑諸陰氣也通表者扶諸陽氣也昧者
不知以麻黃為入太陽發汗之藥抑知不溫覆取

汗則為入太陰通陽之藥也陽氣通動魂可還矣

又方

韭根 一把

烏梅 二七
個

吳茱萸

半升
炒

右三味以水一斗煮之以病人櫛內中三沸櫛浮者生沉者死者煮取三升去滓分飲之

方 解 韭根吳茱萸烏梅之治亦收陽氣法也浮為陽沉

為陰陽生陰死義也

救自縊死旦至暮雖已冷必可治暮至旦少難也恐此
當言恚氣盛故也然夏時夜短於晝又熱猶應可治又
云心下若微溫者一日已上猶可治之方

徐徐抱解不得截繩上下安被臥之一人以脚踏其
兩肩手少挽其髮常弦弦勿縱之一人以手按揉胸
上數動之一人摩捋臂脛屈伸之若已僵但漸漸強
屈之并按其腹如此一炊頃氣從口出呼吸眼開而
猶引按莫置亦勿苦勞之須臾可少進湯及粥清含

之令濡喉漸漸能嚙及稍止更令兩人以兩管吹其兩耳朶此法最善無不活者

註

旦至暮陽氣有餘陽主生故雖已冷必可治也暮至旦陰氣有餘陰主死故稍難也自縊之人必可治者恐此當有言語忿爭氣盛不散故可治也暮至旦固難治然遇夏時夜短於晝又熱皆陽氣有餘猶應可治又云心下若微溫者雖一日已上猶可治之觀此諄諄告切仲景仁心惟恐人畏其繁

瑣而不治也此法嘗試之十全八九始知言果不
謬弦弦猶言緊緊也揉胸按腹摩臂脛屈伸之皆
引導其氣之法也

凡中暈死不可使得冷得冷便死療之方

屈草帶繞暈人臍使三兩人溺其中令溫亦可用熱
泥和屈草亦可扣瓦椀底按及車缸以著暈人取令
溺須得流去此謂道路窮卒無湯當令溺其中欲使
多人溺取令溫若湯便可與之不可泥及車缸恐此

物冷暘既在夏月得熱泥土暖車缸亦可用也

註中暑卒死之人不可置放陰涼之處恐其閉熱在內猶被凍之人不可沃以熱湯恐其閉寒在內反為大害也

救溺死方

取竈中灰二石餘以埋人從頭至足水出七孔即活
嘗試蠅子落水而死者用竈灰埋之自活

集解李昶曰竈灰得火土相生之氣以埋人則外溫衛

氣而內滲水濕故能使水出七孔而活

治墜馬及一切筋骨損方

大黃

一兩切浸湯成汁

緋帛

如手大燒灰

亂髮

如鷄子大燒灰用

久用炊單布

一尺燒灰

敗蒲

一握三寸

桃仁

四十九箇去皮尖熬

甘草

如中指節炙剉

右七味以童子小便量多少煎湯成內酒一大盞
次下大黃去滓分溫三服先剉敗蒲席半領煎湯


浴衣被蓋覆斯須通利數行痛處立差利及浴水
赤勿怪即瘀血也

註外浴以散其瘀內服以下其瘀斯兩得之矣

集註徐彬曰從高墜下法當救損傷筋骨為主然頓跌

之勢內外之血必無不瘀瘀不去則氣不行氣不
行則傷不愈故以桃仁大黃逐瘀為主緋帛紅花
之餘亂髮血之餘合童便以消瘀血湯浴能活周
身氣血然筋骨瘀血必有熱氣滯鬱故以炊單布

受氣最多而易消者以散滯通氣從其類也加少
炙甘草補中以和諸藥也



御纂醫宗金鑑卷二十三

欽定四庫全書

子部

御纂醫宗金鑑

目錄卷二十四

詳校官太醫院醫士臣 鈺 斌

編修臣 倉聖脈覆勘

總校官中書臣 朱 鈐

校對官助教臣 胡子襄

謄錄監生臣 張曾詣

欽定四庫全書

御纂醫宗金鑑卷二十四

訂正仲景全書金匱要略註下之三目錄

禽獸蟲魚禁忌篇第二十四

治自死六畜肉中毒方

治食鬱肉漏脯中毒方

治黍米中藏乾脯食之中毒方

治食生肉中毒方

治食六畜禽獸肝中毒方

治馬肝毒中人未死方

治食馬肉中毒欲死方

治食噉蛇牛肉欲死方

治食牛肉中毒方

治食犬肉不消成病方

治食禽獸中箭肉毒方

治食膾不化成癥病方

欽定四庫全書

御纂醫宗金鑑卷二十四

訂正仲景全書金匱要略註下之三目錄

禽獸蟲魚禁忌篇第二十四

治自死六畜肉中毒方

治食鬱肉漏脯中毒方

治黍米中藏乾脯食之中毒方

治食生肉中毒方

治食六畜禽獸肝中毒方

治馬肝毒中人未死方

治食馬肉中毒欲死方

治食噉蛇牛肉欲死方

治食牛肉中毒方

治食犬肉不消成病方

治食禽獸中箭肉毒方

治食膾不化成癥病方

治食魚後食毒兩種煩亂方

治食鮫鯪魚中毒方

治食蟹中毒方

果實菜穀禁忌篇第二十五

治食諸果中毒方

治食諸菌中毒悶亂欲死方

治食楓樹菌笑不止方

治誤食野芋煩毒欲死方

治誤食蜀椒閉口者方

食躁式躁方

治誤食鈎吻殺人解之方

治誤食水菘岩中毒方

治食芹菜中龍精毒方

治食苦瓠中毒方

治凡飲食中毒方

貪食食多不消心腹堅滿治之方

通除諸藥毒

御纂醫宗金鑑卷二十四目錄

欽定四庫全書

御纂醫宗金鑑卷二十四

訂正仲景全書金匱要略註下之三

金匱要略廿四廿五兩門原列在卷末其文似後人補入註家或註或刪但傳世已久難以削去茲仍附原文另為一篇以存參考云

禽獸魚蟲禁忌并治第三十四

凡飲食滋味以養於身食之有妨反能為害自非服藥

煉液焉能不飲食乎切見時人不閑調攝疾疢競起若不因食而生苟全其生須知切忌者矣所食之味有與病相宜有與身為害若得宜則益體害則成疾以此致危例皆難療凡煮藥飲汁以解毒者雖云救急不可熱飲諸毒病得熱更甚宜冷飲之

肝病禁辛心病禁鹹脾病禁酸肺病禁苦腎病禁甘

註此言五藏有病而禁之以五味何也肝木病若與

之以辛辛助肺氣恐尅肝也故肝病則禁辛心火

病若與之以鹹鹹能益水恐水尅火也故心病則
禁鹹脾土病若與之以酸酸味屬肝恐木尅土也
故脾病則禁酸肺金病若與之以苦苦味屬火恐
尅金也故肺病則禁苦腎水病若與之以甘甘能
補脾脾主尅水故腎病則禁甘

春不食肝夏不食心秋不食肺冬不食腎四季不食脾
辯曰春不食肝者為肝氣旺脾氣敗若食肝則又補肝
脾氣敗尤甚不可救又肝王之時不可死氣入肝恐傷

魂也若非王時即虛以肝補之佳餘藏準此

註

此言四時有宜食有不宜食者如春為肝王則脾弱故宜食脾而不宜食肝若食肝則肝益王而脾更弱故曰不可救又云肝王之時不可以死氣入肝即內經毋伐天和之意若伐天和則傷肝肝主魂恐復傷魂也若非王時即虛虛則以肝補肝故謂之佳餘藏準此

凡肝藏自不可輕嗽自死者彌甚

註
謂諸畜獸臨殺之時心有所驚肝有所忿食之俱
不利故曰不可輕噉如獸自死者必中毒而死更
不可食也

凡心皆為神識所舍勿食之使人來生復其對報矣

註
人與物雖別而貪生畏死之心則一也惟其心為
神識所舍故曰勿食之

凡肉及肝落地不着塵土者不可食之

猪肉落水浮者不可食

諸肉不乾火炙而動見水自動者不可食之

六畜肉熱血不斷者不可食之

諸五藏及魚投地塵土不污者不可食之

註
以上五條皆怪異非常必不可食之

諸肉及魚若狗不食鳥不啄者不可食之

註
凡禽獸不食之肉必有毒不可食之

肉中有如朱點者不可食之

註
朱點惡血所聚此色惡不食也

父母及本身所屬之相不可食食之令人神魂不安

註 此為仁人孝子之心也

食肥肉及熱羹不可飲冷水

註 食肥肉熱羹後繼飲冷水冷熱相搏臆膈不行不

腹痛吐利必成痞變積慎之慎之

穢飯餒肉臭魚食之皆傷人

註 言敗腐之物皆不宜食也

自死禽獸口閉者不可食之

註 凡自死之物其肉皆有毒口閉則毒不得外泄切

不可食

六畜自死皆疫死則有毒不可食之

註 疫毒能死六畜其肉必有疫毒故不可食

獸自死北首及伏地者食之殺人

註 凡獸北向自死及死不僵而伏地者食之多殺人

食生肉飽飲乳變白蟲

註 食生肉飽即飲乳酪則成濕熱必變生白蟲

疫死牛肉食之令病洞下亦致堅積宜利藥下之

註

疫死牛肉有毒不可食食之若洞瀉為其毒自下
或致堅積宜下藥利之

脯藏米甕中有毒及經夏食之發腎病

註

脯肉藏米甕中受濕熱鬱蒸之氣及經夏已腐者
食之腐氣入腎故發腎疾

治自死六畜肉中毒用黃蘗搗屑取方寸匕服

註

六畜自死肉中有毒中其毒者以此方服之若能

解毒也

治食鬱肉漏脯中毒方

燒犬屎酒服方寸匕每服人乳汁亦良飲生韭汁三升亦得

註鬱肉密藏經宿之肉也漏脯經漏水之脯也食之

中毒以燒犬屎人乳汁生韭汁量其輕重而解之
治黍米中藏乾脯食之中毒方

大豆濃煮汁飲之數升即解亦治狸肉漏脯等毒

註 同上鬱肉大豆汁亦能解毒

治食生肉中毒方

掘地深三尺取其下土三升以水五升煮數沸澄清
汁飲一升即愈

註 地漿能解諸毒掘得黃土有泉滲出謂之地漿三
尺大槩言也未見黃土皆穢土得黃土乃可取用
治食六畜鳥獸肝中毒方

水浸豆豉絞取汁服數升愈

註 食禽肉獸肝中毒在胃故用豆豉涌吐其毒

馬脚無夜眼者不可食之

夜眼一名附蟬尸

註 凡馬皆有夜眼若無者其形異故勿食之

食酸馬肉不飲酒則殺人

註 馬肉味酸有毒故飲酒以解之

馬肉不可熟食傷人心

註 馬屬火肉熱火甚恐傷心當冷食之

馬鞍下肉食之殺人

註 鞍下肉久經汗漬有毒食之殺人

白馬黑頭者不可食之

註 食療云食之令人癩

白馬青蹄者不可食之

註 白馬青蹄騎之不利人食之必取害故不可食

馬肉豕肉共食醉飽卧大忌

註 馬肉屬火豕肉屬水共食已屬不和若醉飽即卧

則傷脾氣故曰大忌

驢馬肉合猪肉食之成霍亂

註 猪肉雜食恐難消化亂於腸胃故成霍亂

馬肝及毛不可妄食中毒害人

註 漢史云文成食馬肝而死故曰不可妄食恐中其

毒也

治馬肝毒中人未死方

馬肝一名懸燧

雄鼠屎二七粒末之水和服日再服

註 馬食鼠屎則腹脹是鼠能制馬也故中馬肝毒以

此解之

又方

人垢取方寸匕服之佳

註人垢即人頭垢也用方寸匕酒化下得吐為佳

治馬肉中毒欲死方

香豉 二兩

杏仁 三兩

右二味蒸一食頃熟杵之服日再服

方解日華子云黑豆調中下氣治牛馬瘟毒杏仁下氣

氣下則毒亦解矣

又方

煮蘆根汁飲之良

方解蘆根味甘性寒解諸肉毒

疫死牛或目赤或黃食之大忌

註牛疫死目或赤或黃疫毒甚也大忌食之

牛肉共猪肉食之必作寸白蟲

註牛肉共猪肉食之脾胃濕熱者能生寸白蟲當戒

之

青牛腸不可合犬肉食之

牛肺從三月至五月其中有蟲如馬尾割去勿食食之損人

註

凡牛腸肺值三月至五月濕熱交蒸之時必生其蟲戒勿食之

牛羊猪肉皆不得以楮木桑木蒸炙食之令人腹内生蟲

註
古人煉藥多用桑柴火楮實子能健脾消水楮木
亦可燒用何以蒸炙諸肉食之即生蟲乎其或物
性相反也

噉蛇牛肉有毒食之殺人不可食

註
噉蛇牛何以識認惟毛髮向後順者是也

治噉蛇牛肉食之欲死方

飲人乳汁一升立愈以泔水洗頭飲一升愈

牛肚細切水一斗煮取一升煖飲之大汗出愈

註
人乳能解馬肝牛肉之毒用頭垢吐其毒而愈用
牛肚不甚善

治食牛肉中毒方

甘草煮汁飲之即愈

方
解甘草味甘能解百毒

羊肉其有宿熱者不可食之

註
羊肉性熱若其人有素熱者忌食之

羊肉不可共生魚酪食之害人

註 羊肉熱與生魚酪乳共食必不益人也

羊蹄甲中有珠子白者名羊懸筋食之令人癩

按 此義未詳

白羊黑頭食其腦作腸癰

註 諸腦有毒惟此羊腦食之作腸癰

羊肝共生椒食之破人五藏

註 羊肝生椒皆屬於火共食恐損傷人五藏也

豬肉共羊肝和食之令人心悶

註 猪肉滯羊肝臟共食則氣滯而心悶矣

猪肉以生胡荽同食爛人臍

註 胡荽與猪肉不可同食不可多者恐動風疾云爛人臍此義未詳

猪脂不可合梅子食之

註 猪脂滑利梅子酸濇性相反也故不可合食

猪肉合葵食之少氣

按 此義未詳

鹿肉不可合蒲白作羹食之發惡瘡

註鹿肉性溫九月至正月堪食他月食之則冷痛如

和蒲作羹食之發惡瘡此義未詳

麋脂及梅李子若孕婦食之令子青盲男子傷精

集註李昶曰人以陰為體以陽為用麋陰獸也梅及

李味酸苦亦屬陰類孕婦三物合食則陰氣太盛

陽氣絕少故令子青盲也男子精氣宜溫暖陰盛

則精寒本草云麋脂令陰痿

按麋蹄下有二竅為夜目淮南子云孕婦見麋而生子四目今三物合食令子青盲皆物類相感胎教慎之

麋肉不可合鰕及生菜梅李果食之傷人

註 麋肉性溫八月至十一月食之勝羊肉餘月食之

動氣鰕能動風生菜梅李動痰合食之皆令人病
白犬自死不出舌者食之害人

註 凡犬死必吐舌惟中毒而死其舌不吐毒在內也

故食之害人

痼疾人不可食熊肉令終身不愈

註
人有痼疾不可食熊肉因熊性猛悍食之痼疾永
不除

食狗鼠餘令人發癭瘡

註
狗鼠食物有餘存者其物必有涎滴因涎有毒人
若食此物必發癭瘡

治食犬肉不消心下堅或腹脹口乾大渴心急發熱妄

語如狂或洞下方

杏仁

一升合皮
熟研用

以沸湯三升和取汁分三服利下兩片大驗

方解此以相畏相制之義也犬肉畏杏仁故用此而諸

證悉除矣

婦人妊娠不可食兔肉及鼈雞鴨令子無聲音

註

妊娠食兔肉令子缺唇食鼈肉令子短項食羊犬

令子多熱食雞鴨令子無聲音此數者妊婦皆不

當食也

兔肉不可合白雞肉食之令人面發黃

註

兔肉酸寒多食損元氣絕血脈令人萎黃白雞雖得庚金太白之象實屬風木能助肝火二物合食動脾氣而發黃故不可合食

兔肉着乾薑食之成霍亂

註

兔肉酸寒陰性也乾薑辛熱陽性也性味相反同食者必成霍亂

凡鳥自死口不閉翅不合者不可食之

註 諸鳥自死必閉口斂翅若開口張翅恐有毒不可

食

諸禽肉肝青者食之殺人

註 肝青者被毒所傷若食之必殺人

雞有六翮四距者不可食之

距雞脚爪也

註 形有怪異者有毒故不可食

烏雞白頭者不可食之

註 色有不相合者有毒不可食

雞不可合葫蒜食之滯氣

註 雞蒜同食能動風動痰風痰發動故氣滯

山雞不可合鳥獸肉食之

註 山雞食蟲蟻有毒與鳥獸肉相反故戒合食

雉肉久食令人瘦

註 雉肉小毒發瘡疥生諸蟲以此則令人瘦

鴨卵不可合鼈肉食之

註 二物性寒發冷氣不可合食

雀肉不可合李子食之

註 雀肉性煖大溫李子性寒味酸溫得寒酸而滯氣
故不可合食

婦人妊娠食雀肉飲酒令子淫亂無恥

註 雀之性淫酒能亂性妊娠當戒食之古慎胎教也
燕肉勿食入水為蛟龍所噉

註 蛟龍嗜燕人食燕者不可入水雷公曰海竭江枯

投游波而立泛以蛟龍嗜燕故也凡渡江海者切
不可食燕肉

鳥獸有中毒箭死者其肉有毒解之方

大豆煮汁及鹽汁服之解

方解箭傷有毒凡鳥獸被箭死者肉毒人食之先服鹽

汁次服豆汁解不及者死

魚頭正白如連珠至脊上食之殺人

魚頭中無腮者不可食之殺人

魚無腸膽者不可食之三年陰不起女子絕生

魚頭似有角者不可食之

魚目合者不可食之

註 以上皆怪異之形色必有毒也

六甲日勿食鱗甲之物

註 六甲值日食鱗甲物犯其所忌故曰勿食

魚不可合雞肉食之

註 魚屬火善動雞屬木生風風火相煽故勿合食

魚不得合鷓鴣肉食之

註鷓鴣嗜魚凡物相制相犯者皆不可合食

鯉魚鮓不可合小荳藿食之魚子不可合猪肝食之害

人小荳藿即小荳葉也

鯉魚不可合犬肉食之

鯽魚不可合猴雉肉食之

鯢魚合鹿肉生食令人筋甲縮

青魚酢不可合胡荽及生葵并麥醬食

鮓鱻不可合白犬血食之

註 以上六條皆能助熱動風合食俱不宜

龜肉不可合酒菜子食之

註 龜多神靈不可輕食若酒菜合食更非所宜也

鼈目凹陷者及腹下有王字形者不可食之其肉不得合雞鴨食之

註 鼈無耳以目為聽目凹陷及腹有王字形者皆有

毒慎之性與雞鴨相反故不可合食

龜鼈肉不可合莧菜食之

註 龜鼈皆與莧菜相反若合食之必成鼈瘕

鰕無鬚及腹下通黑煮之反白者不可食之

註 無鬚腹黑反白者怪異之鰕也故不可食

食膾飲乳酪令人腹中生蟲為瘕

註 膾乃牛羊魚之腥聶而切之為膾乳酪酸寒與膾

同食則生蟲為瘕故戒合食

膾食在胃不化吐不出速下除之久成瘕病治之方

橘皮 一兩

大黃 二兩

朴消 二兩

右三味以水一大升煮至小升頓服即消

方解橘皮解魚毒得消黃使下從大便而出也

食膾多不消結為癥病治之方

馬鞭草

右一味搗汁飲之或以薑葉汁飲之一升亦消

又可服吐藥吐之

方馬鞭草主治癥癖血瘀破血殺蟲薑葉解毒皆可
用之

食魚後食毒兩種煩亂治之方

橘皮濃煎汁服之即解

方橘皮味苦辛溫下氣通神故能解毒

食鯀魚中毒方

蘆根煮汁服之即解

方鯀魚即河豚魚味美其腹腴呼為西施乳頭無腮

身無鱗其肝毒血殺人脂令舌麻子令腹脹眼令
目花惟蘆根汁能解之

蟹目相向足斑目赤者不可食之

註蟹目相背若目相向足斑目赤者有毒故戒勿食

食蟹中毒治之方

紫蘇煮汁飲之三升愈紫蘇子搗汁飲之亦良冬瓜
汁飲三升食冬瓜亦可

方解紫蘇冬瓜俱能解毒故用之

凡蟹未遇霜多毒其熟者乃可食之

註蟹未經霜有毒不可生食經霜則毒無

蜘蛛落食中有毒勿食之

註蜘蛛有毒凡落食上不可食有毒故也

凡蜂蠅蟲蟻等多集食上食之致瘻

註蟲類有毒凡蟲集食上者食之則致瘻

果實菜穀禁忌并治第二十五

內經曰天食人以五氣地食人以五味果實菜穀

皆地產也又云五穀為養五果為助五菜為充是以草實曰菰木實曰果禮云棗曰新之栗曰揆之桃曰胆之粗梨曰攢之則治果實有法矣烹葵斷壺紀乎幽風芥醬芼羹以養父母則用五菜有道矣牛宜稌羊宜黍豕宜稷犬宜粱雁宜麥則配五穀有方然其物有不宜常食者有不宜食者經云陰之所生本在五味陰之五宮傷在五味人安可不知其所禁忌乎

果子生食生瘡

註 果生之性多濕多熱而有毒或生食之故令生瘡

腹脹作泄

果子落地經宿蟲蟻食之者人大忌食之

註 凡果落地隔夜尚不可食而况蟲蟻食者乎見之者切不可食

生米停留多日有損處食之傷人

註 凡食之物停留多日或隔夜者若有損處即蟲鼠

所啗之餘皆有毒傷人

桃子多食令人熱仍不得入水浴令人病寒熱淋瀝病

註 桃味甘酸性熱若多食者令人熱入水浴者則濕

與熱相搏不得宣散故令人外寒熱內成癰症也

杏酪不熟傷人一云殺人

註 杏味酸苦有毒酪釀未熟若食恐害人也

梅多食壞人齒

註 梅味苦酸若多食者令人齒損齒者骨之餘也因

腎主液而合骨故傷齒

李不可多食令人腹脹

註李味酸澁若多食則中氣不舒故令人腹脹

林禽不可多食令人百脈弱

註林禽味酸澁多食則令百脈不得宣故脈弱

橘柚多食令人口爽不知五味

註尚書注小曰橘大曰柚二者其味皆酸而性寒若

過食則口雖爽而五味不知焉

梨不可多食令人寒中金瘡產婦亦不宜食

註 梨味甘酸性寒若過食則令人中焦寒金瘡產婦更宜戒之

櫻桃杏多食傷筋骨

註 櫻桃杏味酸性寒若過食則傷筋骨內經云酸則傷筋寒主傷腎故傷筋骨

安石榴不可多食損人肺

註 安石榴味酸澁酸澁則氣滯肺主氣宜利而不宜

滯滯則傷損矣故不可過食也

胡桃不可多食令人動痰飲

集註程林曰胡桃潤肺消痰何以動痰飲因其性熱多

食則令人火動煎熬津液而為痰飲矣

生棗多食令人熱渴氣脹寒熱羸弱者彌不可食傷人

註棗性熱生渴味甘生滿羸弱者內熱必盛脾胃必

虛故令人寒熱尤不可食

食諸果中毒治之方

猪骨

焮黑

右一味為末水服方寸匕亦治馬肝及漏脯等毒

方解

以猪骨治果子毒物性相制使然治馬肝毒者以

猪畜屬水馬畜屬火此水尅火之義也治漏脯毒

者亦骨肉相感之義耳

木耳赤色及仰生者勿食

菌仰卷者及赤色者不可食

註

木耳諸菌皆覆卷而生若仰卷而生形色皆異必

有毒也故不可食

食諸菌中毒悶亂欲死治之方

人糞汁飲一升 土漿飲一二升

大豆濃煮汁飲 服諸吐利藥並解

集解李炆曰悶亂欲死毒在胃也服吐利藥並解使毒

氣上下分消也

食楓樹菌而笑不止治之以前方

集解李炆曰心主笑笑不止是毒氣入心也以前方治

之則解耳

誤食野芋煩亂欲死治之以前方

集解

李昶曰煩出於肺煩亂欲死故知毒氣入肺也亦

用前方

蜀椒閉口者有毒誤食之戟人咽喉氣病欲絕或吐下
白沫身體痺冷急治之方

肉桂煎汁飲之

多飲涼水一二升

或食蒜

或濃煮豉飲之並解

方蜀椒味辛辣性熱有毒閉口者其毒更勝如桂與
蒜皆大辛大熱之物通血脈辟邪穢以熱治熱是
從治之法也冷水清涼解熱地漿得土氣以萬物
本乎土亦莫不復歸於土見土則毒已化矣飲豉
汁者吐以去其毒也

正月勿食蔥令人面生游風

註 蔥味辛散通陽氣而走頭面食生蔥過於發散故
面生游風

二月勿食蓼傷人腎

註 蓼味辛散辛能走腎二月卯木主令腎主閉藏若

食之則傷腎故曰勿食

三月勿食小蒜傷人志性

註 蒜辛熱有毒奪氣傷神三月陽氣盛故勿食

四月八月勿食胡荽傷人神

註 胡荽辛溫開竅四月陽氣盛八月陰氣斂若食此

辛散之味必傷神也

五月勿食韭令人乏氣力

註 韭春食則香夏食則臭是月食之則乏氣力

五月五日勿食一切生菜發百病

註 五月五日天中節是日純陽人當養陽以順時若

食生菜是伐天和故百病發焉

六月七月勿食茱萸傷神氣

註 茱萸辛熱走氣六月陽氣盛張七月陰微將斂若

食此辛熱之味有傷神氣也

八月九月勿食薑傷人神

註 薑性熱味辛辣八九兩月秋主收斂過於辛散故傷人之神朱子晦菴云秋食薑天人天年謂其辛走氣瀉肺也

十月勿食椒損人心傷人脈

註 椒性熱味辛辣十月陽氣盡斂若食此辛熱之味必損心傷脈

十月勿食被霜生菜令人面無光目澁心痛腰疼或發

心瘧瘧發時手足十指爪皆青困萎

註

道藏云六陰之月萬物至此歸根復命以待來復
不可食寒冷生菜性冷經霜則寒若食此是伐天
和故有此等證

十一月十二月勿食薤令入多涕唾

註

薤味辛散走肺氣食之令人多涕唾

四季勿食生葵令人飲食不化發百病非但食中藥中
皆不可用深宜慎之

註 脾旺寄於四時之季月生葵滑利傷脾若食之則
飲食不化而發百病

葱韭初生芽者食之傷人心氣

註 初生芽者含抑鬱而未透發故食傷心氣

飲白酒食生韭令人病增

註 酒多濕韭性熱濕熱相合令人病增

生葱不可共蜜食之殺人獨顆蒜彌甚

註 葱蒜皆不可共蜜食若共食令人利下

棗合生蔥食之令人病

按此義未詳

食糖蜜後四日內食生蔥韭令人心痛

註蜜與蔥及韭蒜皆相反雖食蜜後四日內猶忌之
若犯令人心痛

生蔥和雄雞白犬肉食之令人七竅經年流血

集註李昉曰此皆生風發火之物若合食則血氣更淖

溢不和故七竅流血

夜食諸薑蒜葱等傷人心

註此皆辛熱辣物夜屬陰氣主收斂不宜食而食之則擾陽氣故曰傷人心

蕪菁根多食令人氣脹

註此言不可過食若過食則動氣而脹也

薤不共牛肉作羹食之成瘕病韭亦然

註薤韭同牛肉食皆難尅化積而不消則成瘕瘕

蓴多食動痔病

註 蓴性滑有毒而易下故發痔病

野苳不可同蜜食之作內痔

註 野苳味苦性寒若同蜜食必成內痔

白苳不可共酪同食作蠱蟲

註 白苳味苦性寒乳酪味甘性熱一寒一熱則成濕
濕成則生蟲故曰不可食

黃瓜食之發熱病

註 黃瓜多濕有毒程林曰動寒熱虛熱天行熱病及

病後皆不可食

葵心不可食傷人葉尤冷黃背赤背赤莖者勿食之

註葵心有毒背葉反常亦有毒不可食

胡荽久食之令多忘

註胡荽辛溫開竅久食耗心血故令人多忘

病人不可食胡荽及黃花菜

註胡荽耗氣黃花菜破氣耗血皆病人忌食

芋不可多食動病

註 芋滯有毒多食則脾困而脹生故戒多食

妊娠食薑令子餘指

註 餘指手多一指也薑形類指物性相感如此

蓼多食發心病蓼和生魚食之令人奪氣陰核疼痛

集註 孫思邈曰食蓼過多有毒發心痛以氣味辛溫故

也生魚酢屬合食則相犯奪氣也陰核痛亦濕熱

致病耳

芥菜不可共兔肉食之成惡邪病

註凡物性相反不可同食同食則成惡和病

小蒜多食傷人力

註

小蒜辛溫小毒若多食氣散則傷心力

食躁式躁方

按

食躁式躁之式字當是或字應改之

註食躁或躁者即今之食後時或惡心或吐不吐之病也故以豉湯吐之

豉濃煮汁飲之

鉤吻與芹菜相似誤食之殺人解之方

註太陰之精名曰鉤吻入口則死葛洪云鉤吻生處

無他草莖上有毛

薺芫八兩

右一味水六升煮取二升溫分二服

菜中有水蓂若葉圓而光有毒誤食令人狂亂狀如中風或吐血治之方

甘草煮汁服之即解

春秋二時龍帶精入芹菜中人偶食之為病發時手青腹滿痛不可忍名蛟龍病治之方

硬糖二斤

右一味日兩度服之吐出如蜥蜴三五枚差

解方

芹生陂澤之中蛟龍雖變化莫測其精焉能入此大抵是蜥蜴虺蛇春夏之交遺精於此耳且蛇嗜芹尤為可証按外臺秘要云蛟龍子生在芹上誤食入腹變成龍子飴粳米杏仁乳餅煮粥食之吐

出蛟子大驗張機用硬糖治之考本草並無硬糖
當是粳米飴糖無疑二物味甘甘能解毒是也

食苦瓠中毒治之方

黍穰煮汁數服之解

註風俗通云燒穰可以殺瓠又云種瓜之家不燒漆
物性相畏有如是也人過食苦瓠吐利不止者以
黍穰汁解之本諸此

扁豆寒熱者不可食之

註 扁豆性滯而補如患寒熱者忌之

久食小豆令人枯燥

註 小豆即赤豆也性主利水久食令肌膚枯燥

食大豆屑忌噉猪肉

註 大豆即黃豆也若同猪肉食之則閉氣故忌之小兒尤當忌之

大麥久食令人作癬

集 李昉曰癬疥同蓋麥入心久食則心氣盛而內熱

內經曰諸瘡瘍皆屬心火故作癰

白黍米不可同飴蜜食亦不可合葵食之

註

黍米多熱多食心煩飴蜜味甘多食中滿食療云
黍米同葵食成痼疾物性相反如此

菽麥麵多食之令人髮落

按此義未詳

鹽多食傷人肺

註
鹽味鹹過食傷肺發嗽哮喘

食冷物冰人齒

食熱物勿飲冷水

註 寒熱相搏脾胃乃傷

飲酒食生蒼耳令人心痛

註 酒性純陽蒼耳味苦有毒苦先入心飲酒以行其
毒故心痛

夏月大醉汗流不得冷水洗着身及使扇即成病

註 夏月飲酒汗流則腠理開若浴水及使扇寒風相

搏或即成黃汗或即成漏風戒之慎之

飲酒大醉灸腹背令人腸結

灸家云毋灸大醉人即此義也

醉後勿飽食發寒熱

註 醉則肝膽之氣肆行木來侮土故曰勿食飽發寒

熱

飲酒食猪肉卧秫稻穰中則發黃

註 酒性多濕多熱飲酒食肉則濕熱交蒸於中宮卧

秣稻穰中則濕熱困於外故發黃也

食飴多飲酒大忌

按 諺云酒家忌甘此義未詳

凡酒及水照見人影動者不可飲之

註 見此影動者乃怪異也切不可飲之

醋合酪食之令人血瘕

註 酪性粘滯醋性酸收故令成血瘕

食白米粥勿食生蒼耳成走注

註 白米粥蒼耳子同食成走注病然必性味不合也

食甜粥已食鹽即吐

註 粥甘鹽鹹先食甜已復過食鹽即吐理必然也

犀角筋攪飲食沫出及澆地墳起者食之殺人

註

抱朴子云犀食百草及衆木之棘故知飲食之毒
若攪飲食沫出者必有毒也澆地墳起者此怪異
也故食之殺人

飲食中毒煩滿治之方

苦參 三兩

苦酒 一升半

右二味煮三沸三上三下服之吐食出即差

方解苦參味苦苦酒味酸酸苦涌泄而去其毒煩滿自除

又方

犀角湯亦佳

註中毒煩滿毒在胃中犀角解胃中毒

貪食食多不消心腹堅滿治之方

鹽 一升
水 三升

右二味煮令鹽消分三服當吐出食便差

方鹽鹹能軟堅又能涌泄堅滿自除

礬石生入腹破人心肝亦禁水

註礬性酸澁無故用之傷心肝礬得水則化物性相

畏故亦禁水

商陸以水服殺人

註商陸大毒能行水而忌水服物性相惡而然

葶藶子傳頭瘡藥氣入腦殺人

葶藶大寒雖能傳瘡殺蟲然藥氣善能下行則瘡毒亦內攻入腦矣故殺人

水銀入人耳及六畜等皆死以金銀着耳邊水銀則吐

註

水銀大毒入耳則沉經墜絡皆能死人以金銀着耳門引之則吐出此物性感召之理猶磁石之引針也


苦棟無子者殺人

註
苦棟有雌雄兩種雄者無子根亦有毒服之使人
吐不能止有至死者雌者有子根白有微毒可入

藥用

凡諸毒多是假毒以投無知時宜煮薺芫甘草汁飲之
通除諸毒藥

註
凡諸毒多借飲食以投毒而服毒之人原自不知
若覺之則時時煮甘草薺芫湯飲之以二物能解
草石百毒也



御纂醫宗金鑑卷二十四